

REGIONAL NEWS

HEADLINES

1. Lai Autonomous Dist Council inthlanpui atana campaign ngawrh chhoh mek a ni.
2. Hun engemawchen zangnadawmna buai vanga laihtlang theihloh, Lawngtlai leh Lunglei inkar kawng chu inremna siam a nih hnuah chak zawka lai turin inruahman chhoh a ni.
3. Vawiinah rampumah ram danpui Constitution Day hman a ni dawn.
4. Union Commerce and Industry Minister Piyush Goyal chuan India in a eibar zawinna huang a zauh a, hna thar siam a rampawna thil thawnehhuah a tih pun a tul a ti

<><><>

LADC CAMPAIGN

Lai Autonomous Dist Council inthlanpui atana campaign ngawrh chhoh mek a ni a,

MNF Senior Vice President Dr.R.Lalthangliana MLA chuan LADC inthlan lo awm tur campaign-in Cheural, Lungtian-1, Lungtian-11, Rawlbuk, Lungpher, Siachangkawn, Vawmbuk, Bualpui NG leh Lungzarhtum khuate a tlawh a,

Thusawiin ZPM chu kum hnih em pawh an sorkar hmain, inthlan a piangin hniam lam an pan zel a. An sorkar tirh, an vung vanglai tak nikumah Sinlung Hills Council General Election-ah nasa takin an tla a, hneh takin MNF an tling a. An thuneihnain Aizawla Local Council leh VC inthlan an pawt hnai lui a, an boruak that lai tak nia an hriatah inthlan an buatsaih a. Hetah hian sorkar kal tawhte anglo takin nasa takin an hniam rawih rawih a ni a, Local Council leh VC-ah a zahve pawh ZPM chuan pha lovin zaa 50 pawh an la pha ta lo. Tunah Dampa bial MLA by-election ah Pathianin hnehna a pe leh bawh, a ti.

MNF leh Congress kan sorkar thin lai khan kum hnih khat lekah mipuiin tun ang em em hian an nin an sawi ngailo. ZPM sorkar an ninna chhan ber chu, thiltih theihloh tawp ti turin mipuiah inthlan laiin an in zuar nasa a, mipuiin an enchain a, an nihna an chiang ta hle a, mipuiin kiltin atangin an hnawl mek a ni a ti.

MPCC President, Pu Lal Thanzara leh a thawhpuite pawhin Lawngtlai an pan tawh a, Lunglei North bial chhunga khaw hrang hrangte tlawh nghalin thu a sawi a,

MPCC President chuan, hmanni lawkah Dampa bial bye election ah MNF bial nisa, an bialtu MLA boral avanga bye election neih ngai a, Mi tam takin an bialtu boral ta râlna atan MNF an vote a, a lehlamah lah Mizorama sorkarna chelh mektu ZPM te an awm bawh a. Kum 3 vel sorkarna an la neih miao avangin Congress tan chet a harsa em em a. Chutih rualin Dampa bye election ah Congress Party te an thawkrim ber a, an thawkho thain kan inlungual tak zet a. Hei hi 2028-a Congress an sorkar lehna tur a ni, a ti.

Health Minister hlui Pu Lal Thanzara chuan, MNF ten chrng vaibelchhe 80 dawn an seng chung pawhin Zoram Medical College chu an sa puitling hlei thei lo a. Congress sorkar chuan thar thawh lehni kum 2014 atangin

Medical College din a nih theih nan theihtawp chhuah a nih thu leh Ṭawngṭaina nen theihtawp an chhuah hnuah Medical College din phalna chu an hmu ta a.

Kumtin Mizo zirlai 70 chuangin ZMC aṭangin Doctor an zir chhuak ta a ni, a ti.

LDCC Tresurer Pu Eric Zomuanpuia pawhin thu sawiin Ṭhing Ṭam Mau Tam a thlen apiangin Sawrkar lo awm tawhte lo inbuatsaih lawkin mipui tan hma an la ṭhin a. Hetihlai hian, thingtlang ngaihsak a insawi ZPM Sawrkarin kuthnathawktute a ngaihsak lo tih a chiang a ni. Sawhthing rate an tichhia a, hnamdangten kuthnathawktute sawhthing an lei sak leh mek tawh a. ZPM Sawrkar chu lemchang sawrkar an ni a. Sawhthing avanga sorkarna chelhtute hi sawhthing avang bawkin an tla leh dawn a ni, a ti.

<><><>

DRUGS

Champhai-a Excise & Narcotics Department mite chuan nimin khan ruihhlo Methamphetamine thahnem tak an man.

Excise & Narcotics Department atanga thu dawn danin nimin chawhma dar 10:30 khan Champhai Excise & Narcotics Enforcement Staff leh 14th Assam Rifles ṭangdun chuan World Bank Road, Zokhawthar bulah Bawikanthang, kum 38, Falam District Myanmar a cheng nia inchhal kut atangin Methamphetamine mum 40,400, Kg. 4 aia rit hret, International Market hralhnaa chhutin cheng nuaih 57 sing 7 sang 7 leh za 2 hu an man a, ND&PS Act. tlawhchhanin thubuai siam sak a ni a, nimin khan Court ah hruai nghal a niin Lung In ah khung a ni.

Excise & Narcotics Department te ruihhlo man hi a hlawma ruihhlo tawlhna a tlin phak avangin ruihhlo neitua puh hian thiam loh a chang a nih chuan kum 10 aṭanga kum 20 chhung lung in tang tur leh pawisa cheng nuaih 1 atanga nuaih 2 thleng chawi tura hrem theih a ni.

<><><>

LAWNGTLAI

Hun engemawchen zangnadawmna buai vanga laihtlang theihloh, Lawngtlai leh Lunglei inkar kawng laihmek chu nimin khan Lawngtlai Bawrhsap Pu Donny Lalruatsanga'n a hmunah a tlawh.

Lawngtlai luhdawn, Thingkah daia kawngpui laih zauh hna hi October thla laihawl atang khan ṭan niin, hnathawktute chuan kumin chhungin a laihzauh hna chu an thawhzawh hman an beisei thu Lawngtlai Bawrhsap hi an hrilh a, Pu Donny Lalruatsanga chuan hnathawktute chu theihtawp chhuaha ṭan la tura hrilhin, fur thlen hmaa hna mumal taka zofel turin a chah.

Helai kawng hi hun rei tak ram neitute leh thuneitute inkarah Zangnadawmna buai vangin laihtlang lovin dah a ni a, Lawngtlai Bawrhsap chuan ram neitu leh kawng laitute kawmin inremna a siampui hnu ah kawng laihzauh hna hi thawh a ni ta a ni.

Kawng laihzauh hna chakzawk a thawh a nihtheih nan Lawngtlai SP chuan kawng hawn leh khar hun siamin hemi mil hian khualzin leh lirthei kalte pawh an in siamrem chho mek a ni.

<><><>

KOLASIB KVK

Kolasib Krishi Vigyan Kendra (KVK) chuan kuthnathawktu thlan bik te hnen ah Alu chi an sem chhuak. Heng Alu te hi Indian Council of Agricultural Research (ICAR), Central Potato Research Institute, Shillong, Meghalaya atanga lakluh a ni.

He hun hi Senior Scientist & Head KVK, Kolasib Dr. Michelle C. Lallawmkimi chuan kaihruai in, kuthnathawktu te an hnathawhah harsatna an neih chuan mithiam zawk te tun ai a be rawn tam zawk tura fuih nghal in, uar leh zual zawk a thlai ching tur in kalkhawm te a sawm nghal. Alu chi Mizoram inkn la intodelh loh thusawiin, kum tin a chi hi hmun dang atanga ngaihtuah a ngaihziah thu leh hei vang hian hma taka alu chhin theihna tur kawng ah nasa tak in harsatna a awm phah thin thu a sawi.

Alu hi variety thum sem chhuah ni in, chung te chu Kufri Pukraj, Kufri Chandramukhi, Kufri Thar te an ni. Khaw sarh heng Phaisen, Bilkhawthlir, Buhchangphai, Thingdawl, Kawnpui Serlui zau leh Lungdai te atangin mi 20 thlan chhuah an ni a, heng mi 20 hnen ah hian alu chi 10 quintals leh natna laka veng thei tu tur damdawi chi thum (3) chu sem chhuah a ni. KVK Kolasib hian Kolasib district ah Alu chin leh enkawl dan hi hun rei tawh taka tang khan an lo buaipui tawh a, hei hi kuthnathawk tute pawh hian an chhawr tangkai hle a ni.

Dr. Carolyn Zothansiami (SMS, Soil Science) chuan Alu chin dan leh enkawl dan zirtirin Pi R. Lalchandami (SMS, Agriculture Engineer) chuan tunlai khawvel thiam na hmang a lei tel lo, tui chauh (Hydroponic) a thlai chin dan kalkhawm te a zirtirna nghal baw a ni.

He hun hi College of Horticulture, Pasighat, Arunachal Pradesh a final year zirlaiten an chhim

<><><>

APEX BANK NEW BRANCH @ VAIRENGTE

Vairengte ah Mizoram Cooperative Apex Bank Branch thar nimin khan Mizoram Cooperative Apex Bank Chairman Pu Lalnunsangan a hawng.

Pu Lalnunsanga chuan Apex Bank in Mizo thalai tam tak te hnenah hna an pe a. Tunah hian mizo hlang hnathawk hi 300 chuang an awm mek a ti a. Hei bakah hian Chairman chuan Apex Bank share holder te hi Mizoram sawrkar bakah Society te an ni tih sawiin, Bank hrang hrang zingah, Bank ten hlawkna an neih mizoram pawna luangchhuak lo awm chhun leh Mizo ten a hlawkna zawng zawng an tel awmchhun chu Apex Bank hi ani a ti a, Apex Bank hi mizotengan pual liau liaua bank an neih awmchhun ani tih sawiin, Vairengte khua leh a chhehvel khua mipui ten tangkai taka lo hmang turin sawm nghal baw.

He hunah hian Pu Vanlalbiakzauva SDO (C) Vairtengte pawhin thu sawiin, Vairengte khua in Bank Branch leh ATM Booth an nei thar tur hi a lawmawm em em ani tiin. Sawrkar flagship programme atanga mipui ten hamthatna an dawn te pawh bank kaltlang vek a nih tawh avangin, tunhma aiin Bank hi a pawimawh zual hle ani a ti a, Apex Bank hi a hlawk thei ang bera hmang turin mipui te duhsakna a hlan baw a ni.

Mizoram khawpui hrang hrangah APEX Bank hi in zarpharhin, vairengte hi Branch 33 an neih na ani a Bank branch thar dang hawng leh turin ruahmanna an kalpui mek a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

CONSTITUTION DAY

Vawiinah rampumah ram danpui Constitution Day hman a ni dawn a. Kuminah hian thupuiah “Hamara Samvidhan-Hamara Swabhiman”.kan danpui kan zahawmna tih chu hman a ni dawn a. New Delhi-a Samvidhan Sadan Central Hall ah a lawmna pui ber hman a ni dawn a. President Droupadi Murmu, Vice President C P Radhakrishnan, Prime Minister Narendra Modi, Lok Sabha Speaker Om Birla, Union Ministers leh Members of Parliament te an tel ang.

<><><>

COMMERCE MINISTER

Union Commerce and Industry Minister Piyush Goyal chuan India in a eibar zawna huang a zauh a, hna thar siam a rampawna thil thawnchhuah a tih pun a tul a ti. Nimina Board of Trade meeting vawi 4-na a kaihrainaah he thu hi sawiin Pu Goyala chuan sawrkar laipui leh state sawrkarte chak zawka an thawhdun a, ramdanga thil thawnchhuah tihpun a tul a ti a. Khawvel harsatna tam tak thleng kara India eibar dinhmun buai lova a thang zel tih sawiin sawrkarin rampawna thawnchhuah tipung zel turin theihtawp a chhuah thu a sawi bawk a ni.

<><><>

LABOUR

PHD Chamber of Commerce and Industry-a Deputy Secretary General Jatinder Singh chuan New Labour Code ramchhunga hman a ni tur chu lawmawm atih thu a sawi. Puan tawh angin Labour Code thra hi tun thla ni 21 atang khan hman tan a ni a. Akashvani News in a kawmnaah Pu Singh-a insiamthatna thar chuan ramchhunga inhlawhfate dinhmunah kalphung inangtlang a rawn thlen dawn a ni a ti.

<><><>